

開放文學 – 社會奇情 – 閨門秘術 序

古人有言曰：「牝雞無晨。牝雞司晨，為家之索。」此專為婦人女子而言，欲令其克盡婦道也。惜世之人未能盡遵古訓，而又於內則諸篇，不獲悉心詳讀，悟厥義旨，以致悍潑者有矣，嫉妒者有矣，淫賤者有矣。閨門大義日漸澆漓，可勝浩歎！或者曰：此非有法以處之，不克化其惡習也。自古婦教之書，靡不勝舉，然皆深於理而不深於情，近乎雅而不近乎俗，賢者蕙心蘭質，不難卒讀，加以上承姆教，自能則而效之。若愚者則不然，無怪乎不明大義矣。於是滬上書局主人有鑒於此，因作閨門秘術小說一部，皆以俗情二字，歷敘賢愚臧否，用佐女史子萬一。庶若輩知所感悟，悍潑者化為循良，嫉妒者化為和順，淫邪賤者化為貞靜，亦閨門中之絕大幸事也。閱者幸毋認為邪說也可！

光緒辛丑仲春甬上月湖漁隱序